

Por i Dis dles Crusc: Prëia aladô che te devëntes, te to perîé do les scincundes dal alt, intès na oferta a Chël Bel Dî. Prëia zënza zede, che tûa oraziun te dëides tl scür dl monn da crëie tl lominus de Dî, te dais speranza defrunt a tan de mort incërch, te mantëgnes tla fedelté y tl amur che se scinca ia zënza ghiré paiamënt.

I sun viandanc danter dui monns. Deach'i sun ciamó söla tera, orunse perîé do le pan da vigni dé. Deach'i sun peregrins söl tru ia tl'eternité, n'orunse nia gní ejaudis sciöch'i viessun chiló por dagnora y ne savessun nia ch'i messun passé tres la mort ia tla vita de Dî, che é le fin y le travert su de nosta vita y de nosc perîé. Tan dí ch'i tignun sö les mans, gnunse cercená dala misericordia de Chël Bel Dî, y dōta nosta deblëza y meseria n'è nia d'ater co n tomé ite tl'infinité dl amur etern. (~ Karl Rahner)

Invit ala **Prozesciun de nôt dl Movimënt Catolich di Èi** en vëndres, ai 13 de ma, che pëia ia dales 21.00 da Porsenù (Acquarena) a Neustift, dailó dales 22.00 mësxa solëna. Dala Val Badia vâl ia na coriera che passa ia dala Burcia dales 19.20. Düc i èi é bel invîá. Prenotaziuns pro Leo Crepaz 348 40 96 351 éina en jöbia, ai 12 de ma. I partezipanc é perîá da se tó do na ciandëra o na linterna.

SAN MARTIN

Por le peregrinaje dl KVV a Weissenstein, acompagné da siur ploan, en jöbia, ai 19 de ma, pón se prenoté cina ai 16 de ma pro Hilda Sottara (*ciara ultima plata*).

LUNGIARÜ

En gaujiun dl Ann Sant dla Misericordia vëgn ince chi da Lungiarü invia dër bel da tó pert ala prozesciun a La Pli (da San Martin demez o da Framacia demez).

La Schira Jonila y le Grup di Sorvidus da Lungiarü invieia por la Festa dla Uma en domënia, ai 8 de ma, do la gran mësxa **dōtes les mames tl salf dl paisc a na picia festa** de sorpresa che i mituns y les mitans á arjigné ca.

La Uniun dl KVV **vënn indô ciüfs por la festa dla uma** en sabeda (07/05) domisdé y da sëra do messa y la domënia (08/05) do la gran messa, ai 7 y ai 8 de ma. Ci che vëgn trat ite vá a fin de bëgn. L'ann passe é gnü dé na spënora por le têt dla dlijia.

I Jogn dl comun da S. Martin de Tor (Lungiarü, San Martin, Antermëia) organisëia en **sabeda, ai 7 de ma, le secundo batadú di jogn**. I metun man dales 19.30 tl salf di stödafüch a San Martin. Al é da davagné de bi pesc. Le cost é de 10 euro por copia; un por copia mës ester dl comun! I s'inconfortun a na gran partezipaziun!

Le Raiun dl KVV da Bornech invieia **vëdui, vëdues y porsones sores** en Lönesch de Pasca de Ma, ai 16 de ma, al peregrinaje a Götzens dlungia Desproch. Le bus archita a San Laurënz dales 08.45. Le iade y la marëna costa 34 euro. Prëibel prenotesse cina ai 12 de ma pro le KVV da Bornech 0474/411 149 o pro la raprezentanta dl KVV dl post.

Le Sorvisc ai Jogn: en vëndres ai 6 de má vëgnel pité l'ultima consulënza da Giorgio Costabiei por **jogn y jones dla Val Badia che chir n laur tratan l'isté** tl zënter dla jonëza Saj a La Ila (ciasa dla cultura alzada -2) dales 16.00 - 17.00. Ala consulënza pó gní jogn, jones y geniturs o autorisá al'educaziun. Info 0474/523070 (Sorvisc Jogn VB).

Conzert de dlijia dl grup Pinzimonio incö domënia 01/05, dales 20.15, a Al Plan.

Baratada de ciüf, pelzes y somënzes, ai 5 de ma, dales 20.00 tl salf di stödafüch a S. Martin cun referat de Marta Canestrini "Maraties dles plantes" (*ciara ultima plata*)

Invit al **conzert d'aisciöda dla Musiga da La Val** en sabeda, ai 7 de ma, dales 20.30.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

01.05. - 08.05.16 nr. 23

termo da publiché: jöbia 20.00
radio: 90,40 / 93,70

6^a DOMËNIA DE PASCA C

Vangele do San Jan 14,23-29

Sce un m'ô bun, se tignaral a mia parora;
mi Pere ti orarà bun

y nos gnarun da d'ël y abitarun pro d'ël.

Chël che ne m'ô nia bun,

ne se tëgn nia a mia parora.

Y la parora che os aldis, ne vëgn nia da mè,

mo dal Pere, che m'á mené.


Chësc ves ài dit, ciamò tratan ch'i sun pro os.

Le paraclet, le Spirit Sant, che le Pere menarà te mi inom,

ves insignarà döt y ves recordarà döt éi ch'i ves à dit.

I ves lasci la pêsc, i ves dà mia pêsc;

nia sciöche le monn la dà, ves la dà.



*Dl'assistënza dl Spirit de Dî unse tres indô debojëgn
y dla pesc, che Gejú nes impormët, unse ince debojëgn.*

Pesc n'è nia la mancianza de conflic, mo súa soluziun cun les bunes.

Conflic é l'ince incër Gejú y al savô che a ries ne vára nia da i apajé ia.

La pesc é n jí a öna danter perts che s'á strité y che s'á denant le sënn.

*Da jí indô a öna vára ma, sc'al ti vëgn lascé la dignité y le respet un al ater,
ma dailó sciafion indô da s'incunté y da s'orëi bun.*

*Chël che n'ó nia adoré la forza por la soluziun de conflic,
s'astila bele da pié ia atramënter, al ciara da ne ofëne y da ne dessené nia,
al mët averda coch'al baia y coch'al se comporta;*

da jí por chësc tru ó Gejú nes insigné y daidé, se scincan so Spirit, le paraclet.

*So Spirit é amur. Y l'amur messunse orëi y porvé da vire,
ince canch'i sun tentá da orëi sforzé decá la pesc a ries.*

*Ci ciarunse pa da avëi te nosta abitaziun: na mësxa y poltrones da sté
comoc adöm, na ciasadafüch por la spëisa dl corp, lec por la palsa de nôt -
mancel ciamó valch? N'abitaziun devënta pormó n daciasa, sc'al ti vëgn
dé na lerch a Chël Bel Dî, sc'i chëriun n post olach'i stun a le recordé.*

	SAN MARTIN		LUNGIARÜ
01.05.16 6^a DOMËNIA DE PASCA	8.40 Prozesciun de San Florian a Picolin 9.30 Gran Mëssa dla comunité cun i Stödafüch 19.30 Corona de ma sö Ju	01.05.16 Domënia	7.55 Corona de ma 8.15 Gran Mëssa di Stödafüch cun la benedisciun di auti 15.00 Corona tla capela da Seres
02.05.16 Lönesc <i>Atanase, Sigismund</i>	19.30 Corona de ma a Picolin	02.05.16 Lönesc	20.00 Corona de ma tla capela da Seres
03.05.16 Dedolönesc <i>Iaco y Filip, apostui</i>	19.30 Mëssa + suor Maria Paula Fontanella + + + Nane, Arcangel y Monica Zingerle + Giovanni Vanzi	03.05.16 Mertesc	7.30 Corona
04.05.16 Dedemesaledema <i>Florian, Guido, Valeria</i>	19.30 Corona de ma a Bioch 20.00 Corona de ma a Mirí	04.05.16 Mercui	7.30 Mëssa + Clementina Costa + + Hermann y Emma Pezzei + siur Heinrich Videsott (de ringraziament) dedô Comuniun ai amará
05.05.16 Jöbia <i>Iuta, Sigrid</i>	9.00 Comuniun ai amará 18.20 Prozesciun a Bioch 19.30 Mëssa a Bioch + + fam. Franz Planatscher + + fam. Albert Moling + suor Alberta Mischi	05.05.16 Jöbia	18.45 Prozesciun a Bioch 19.30 Mëssa a Bioch
06.05.16 Vëndres <i>Gundula, Markward</i> Al mët man la novëna al Spirit Sant	19.00 Prozesciun a Picolin 19.30 Mëssa a Picolin dl ann + Tone Tolpeit + + Erica y Alfred Videsott vis y + + Castlunger, Roder	06.05.16 Vëndres	6.00 Prozesciun a San Martin Mëssa a San Martin dl ann + Zita Dapoz + + Vito y Vitoria Clara
07.05.16 Sabeda <i>Gisela, Agostin</i>	6.00 Prozesciun da San Martin a La Pli ca 7.45 da Framacia demez 9.00 Mëssa a La Pli 15.30 Mëssa tla Ciasa de Palsa 18.30 Mëssa prefestia 3° de sopoltöra de + Paul Ferdigg + Anna Vantsch, + Angel Moling	07.05.16 Sabeda	6.00 Prozesciun da San Martin a La Pli ca 7.45 da Framacia demez 9.00 Mëssa a La Pli 20.00 Mëssa prefestia fam. Lorenz Nagler (de ringraziament) dl ann + Monica Clara + Clara Maieron
08.05.16 ASCENSIUN DL SIGNUR Assënza / Palsacrusc	Festa dla Pröma Comuniun 9.30 Ingres dala scora Confaruns, musiga, comunicanc, geniturs, bandires, sorvidus, prou, toc, totes y comunité Mëssa (ciantada dai mituns) Incuntada y concert dan calonia 19.30 Corona de ma sö Ju	08.05.16 Domënia	7.40 Corona de ma 8.00! Mëssa solëna dla comunité 15.00 Corona tla capela da Seres